



Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", br:17/00,3/01,12/03,10/05 i 3/08)) i člana 38. stav 3. Zakona o izvršenju budžeta Tuzlanskog kantona za 2011. godinu ("Službene novine Tuzlanskog kantona", broj:4/11.), Ministarstvo za rad i socijalnu politiku Tuzlanskog kantona donosi

PROGRAM
raspodjele sredstava za materijalno zbrinjavanje lica u stanju socijalne potrebe
za 2011. godinu

I

Ovim Programom utvrđuje se raspodjela sredstava iz budžeta Tuzlanskog kantona za 2011. godinu sa budžetske pozicije 23020009-materijalno zbrinjavanje lica u stanju socijalne potrebe u ukupnom iznosu od 827.480,00 KM, na sljedeći način:

Tabela br.1

Redni broj	Svrha	Iznos odobrenih sredstava u KM
1.	Podrška projektima, pripreme i distribucije hrane - ishrana najsiromašnijih građana na području TK-a	480.000,00
2.	Podrška realizaciji Programa rada sa djecom sa višestrukim i najtežim oblicima invaliditeta kroz provođenje procesa rehabilitacije i rehabilitacije	70.000,00
3.	Podrška realizaciji programa osnaživanja pojedinaca sa invaliditetom, pomoć u nabavci ortopedskih pomagala, podrška učenicima i studentima sa invaliditetom i drugima pomoć invalidnim osobama	28.000,00
4.	Podrška programu međusobne pomoći lica u duševnoj nevolji, iniciranje programa okupacione i radne terapije za ova lica, u cilju integracija istih u lokalnoj zajednici.	12.000,00

5.	Sklonište i podrška žrtvama nasilja. Realizacija Sporazuma o saradnji u vezi sa projektom: "Podrška žrtvama ratnih zločina u procesima pripreme za svjedočenje".	18.000,00
6.	Podrška djeci i mladima iz jednoroditeljskih porodica i porodica pod rizikom jednoroditeljstva	8.000,00
7.	Porodično savjetovalište.	20.000,00
8.	Podrška programu profesionalne rehabilitacije i zapošljavanju lica sa invaliditetom i podrška školovanju ovih lica	8.000,00
9.	Podrška programu podrške osobama sa paraplegijom, kućnim posjetama ovim licima, podrška u prihvatanju stanja invaliditeta i ponovnom uključivanju u društvo	7.000,00
10.	Podrška programima pomoći starim licima i licima u stanju socijalne potrebe	115.000,00
11.	Ostale namjene – pomoć udruženjima	61.480,00
	ukupno	827.480,00 KM

II

Ministarstvo za rad i socijalnu politiku Tuzlanskog kantona će sredstva iz tačke I ovog Programa rasporediti posebnim odlukama u skladu sa raspoloživim sredstvima Budžeta i operativnim planovima izvršenja Budžeta za 2011. godinu.

III

Ministarstvo za rad i socijalnu politiku Tuzlanskog kantona će sredstva iz tačke I ovog Programa rasporediti na osnovu slijedećih kriterija:

R.b	KRITERIJI	Broj bodova
1.	Kvalitet projekta sa jasno definisanim vidljivim i mjerljivim indikatorima za provođenje programskih ciljeva	0 – 10
2.	Kvalitet programa za monitoring i evaluaciju	0 – 10
3.	Obuhvaćenost korisnika usluga kroz program	0 – 10
4.	Procjena bilansa stanja i uspjeha iz 2010.godine	0 – 10
5.	Usklađenost budžeta i programskih aktivnosti	0 – 10
Ukupno:		50 bodova

Organizacije i udruženja koja ne ostvare minimum 25 bodova ne e biti finansirana/sufinansirana sredstvima iz ovog Programa.

IV

Prilikom procjene ne e se razmatrati programi i projekti koji:

- su usmjereni ka vjerskim ciljevima i aktivnostima
- se isključivo baziraju na investicijskim ulaganjima, izgradnji i adaptaciji objekata, kupovini opreme
- imaju administrativne troškove veće od 30 % troškova ukupnog budžeta projekta.

V

Objava ovog Programa u “Službenim novinama Tuzlanskog kantona i na Web stranici Vlade Tuzlanskog kantona www.vladatk.kim.ba ” ostavlja mogućnost potencijalnim korisnicima za podnošenje zahtjeva sa programom/projektom za raspodjelu sredstava iz predhodnog stava u roku od 15 dana od dana objavljivanja, što se smatra javnim pozivom.

VI

Organizacije i udruženja podnose prijavu na propisani prijavni obrazac koji se može preuzeti sa web stranice Vlade TK-a (www.vladatk.kim.ba) ili u Ministarstvu za rad i socijalnu politiku TK-a. Prijavni obrazac čini sastavni dio Programa.

VII

Uz prijavni obrazac obavezno se prilaže:

- Rješenje o upisu u registar kod Ministarstva pravosuđa i uprave TK-a ili drugog nadležnog organa FBiH ili BiH (kopija)
- Uvjerenje o poreznoj registraciji (kopija)
- Spesimen potpisa (kopija)
- Bilans stanja i bilans uspjeha za 2010.godinu ovjerenu u nadležnoj Poreznoj upravi (kopija).
- Izjava odgovorne osobe pravnog lica o transparentnom utrošku sredstava
- Sporazum o partnerstvu ako se radi o partnerskom projektu (ovjeren od svih partnera) (kopija)
- Detaljan program ili projekat za koji se traži finansiranje.

Prijave na javni poziv, korisnika sredstava za 2010.godinu sa pozicije “materijalno zbrinjavanje lica u stanju socijalne potrebe”, koji nisu dostavili odgovarajuć i izvještaj o utrošku sredstava, ne e biti razmatrene.

VIII

Popunjeni prijavni obrazac sa svim priložima podnosi se u zapečenoj koverti a predaje putem pošte ili na pisarnicu zajedničkih službi kantonalnih organa na adresu:

Tuzlanski kanton

Ministarstvo za rad i socijalnu politiku

Slatina br.2

75000 Tuzla sa naznakom

Prijava na javni poziv

IX

Organizacije i Udruženja su obavezne da izvještaj o utrošku sredstava sa potrebnim dokazima (kopije računa) uz narativni izvještaj dostave Ministarstvu za rad i socijalnu politiku TK-a najkasnije do 28.2. 2012 godine.

X

Za realizaciju ovog Programa i pojedinačnih Odluka donesenih na osnovu ovog Programa, zadužuje se Ministarstvo za rad i socijalnu politiku Tuzlanskog kantona i Ministarstvo finansija Tuzlanskog kantona.

XI

Program stupa na snagu danom davanja saglasnosti od strane Vlade Tuzlanskog kantona, primjenjuje se od 01.01.2011. godine i isti će se objaviti u «Službenim novinama» Tuzlanskog kantona .

DOSTAVLJENO:

MINISTAR

1x Vlada TK-a

1xEvidencija

1xArhiva

Sead Hasić dipl.scr.

